

經

典

集

林

汲冢瑣語一卷

經典集林卷九

臨海 洪頤煊 撰集

承德 孫 彤 校訂

舜囚堯於平陽取之帝位今見有囚堯城

史通疑古篇廣宏明集十一 案初學記

八引竹書云舜囚堯偃蹇丹朱蓋此城也

仲王崩伊尹放太甲乃自立四年

太平御覽八十三

周宣王夜卧而晏起后夫人不出於房其后既出乃脫簪珥待

罪於永巷使其傅母通言於宣王曰妾之淫心見矣至使君王

失禮而晏起以見君王之樂色而忘德也亂之興從婢子起敢

請罪王曰寡人不德寔自生過非夫人之罪也遂復姜后也勤

於政事早朝晏退卒成中興之名

藝文類聚十五

宣王之元配獻后生子不恒朞月而生后弗敢舉天子召問羣

子之元史史皆答曰若男子也身體有不全諸骨節有不備者則可身體全骨節備不利於天子也將必喪邦天子曰若而不利余一人命棄之仲山甫曰天子年長矣而未有子或天將以是棄周雖棄之何益且卜筮言何必從天子弗棄之

太平御覽八十五又

一百三十五

幽王娶褒似楚矢箕服是喪亡國

北堂書鈔二十又四十二

周王欲殺王子宜咎立伯服釋虎將執之宜咎叱之虎弭耳而

服

太平御覽八百九十事類賦注二十

晉冶氏女徒病棄之舞囂之馬僮飲馬而見之病徒曰吾良夢

馬僮曰汝奚夢乎曰吾夢乘冰如河汾三馬當以舞僮告舞囂

自往視之曰尚可活吾買汝答曰棄之矣猶未死乎舞囂曰未

遂買之至舞囂氏而疾有間而生荀林父

太平御覽六百四十二

晉平公夢見赤熊闕屏惡之而有疾使問子產

案左傳昭七年正義引以上同

子產曰昔共工之卿曰浮游既敗於顓頊自沒沈淮之淵

案路史後

紀引作自沈于淮

其色赤其言善笑其行善顧其狀如熊常為天王崇

見之堂則正天下者死見之堂下則邦人駭見之門則近臣憂

見之庭則無傷今窺君之屏病而無傷祭顓頊共工則瘳

案路史後

紀引作其祭顓頊共工乎

公如其言而疾間

太平御覽九百八路史後紀二案史通云尋汲冢瑱語即乘

之流耶其晉春秋篇云平公疾朱熊窺屏左氏亦載斯事而云夢黃熊入門

晉平公與齊景公乘至于澮上見人乘白驂八駟以來平公之

前公問師曠曰有犬狸身而狐尾者乎

案水經注引作有犬狸身而狐尾隨平公之車

公問師曠太平廣記云作去其車而隨公之車

師曠有頃而答曰有之首陽神其名曰

者來

案二字疑有譌舛首陽之神飲酒霍太山而歸其居而於澮乎見

之案水經注引對曰首陽之神有犬狸身狐尾其逢君者飲酒得福則微之太平廣記引作狸身而狐尾其名曰首陽之神

飲酒於霍太甚善君有喜焉水經澮水注太平御覽四
山而歸其君

師曠御晉平公案太平御覽三百六十九
引作晉師曠畫侍平公鼓瑟輟而笑曰齊君

與其嬖人戲墜於床而傷其臂平公命人書之曰某月某日案

平御覽三百九十齊君戲而傷問之於齊侯齊侯笑曰然有之

藝文類聚十九太平御覽三百六十九又三百九十一案

太平御覽三百六十九引作公書記之使問齊侯果如其言

有鳥從飛西方來白質五色皆備集平公之庭相見如讓公召

叔嚮問之叔嚮曰吾聞師曠曰西方有白質鳥五色皆備其名

曰翬南方赤質五色備其名曰搖其來爲吾君臣其祥先至矣

齊景公伐宋至曲陵夢見大君子甚長而大大下而小上其言

甚怒好仰晏子曰若是則盤庚也夫盤庚之長九尺有餘大下

小上白色而髯其言好仰而聲上公曰是也是怒君師不如違

之遂不伐宋也

太平御覽三百七十七

齊景公伐宋至曲陵夢見有短丈夫賓於前晏子曰君所夢何如哉公曰其賓者甚短大上而小下其言甚怒好俛晏子曰如是則伊尹也伊尹甚大而短大上而下赤色而髯其言好俛而下聲公曰是矣晏子曰是怒君師不如違之遂不果伐宋

太平御覽

三百七十八

范獻子卜獵命人占之曰其繇曰君子得龜

案六百八十四引作龜

小人

遺冠范獻子獵而無得遺其豹冠

太平御覽六百八十四又入百三十二又九百三十二

隕石之於鑄三宋景公問於刑史子臣曰隕石於鑄三何也刑

史子臣答曰天下之望山王將崩

北堂書鈔一百六十

初刑史子臣謂宋景公曰從今已往五祀五日

案太平御覽引五祀作五月

臣死自臣死後五年五月丁亥

案太平御覽引作丁巳

吳亡以後五祀八

月辛巳君薨刑史子臣至死日朝見景公久而死後吳亡景公

懼思刑史子臣之言將至死日乃逃於瓜圃案初學記二十四引瓜圃見瑣語

遂死焉求得已蠱矣藝文類聚八十七太平御覽九百七十八事類賦注二十七

智伯既敗將出走夢火見於西方乃出奔秦又夢火見於南方

遂奔楚也太平御覽八百九十六事類賦注八

蒲且子見雙鳬過之其不被弋者亦下文選勵志詩注

齊東有二石高八尺博四尺而入於海北堂書鈔一百六十

汲冢瑣語記太丁時事目爲夏殷春秋史通六家篇

瑣語又有晉春秋記獻公十七年事史通六家篇

瑣語春秋載魯國閔公時事言之最詳史通惑經篇

汲冢所得書尋亦亡逸今惟紀年瑣語師春在焉案紀年瑣

語載春秋時事與左氏同史通申左篇

疏固見瑣語

初學記二十四

汲冢瑣語乃載秦望碑

類氏家訓書證篇

周穆王姜后晝寢而孕越姬嬖竊而育之斃以玄鳥二七塗以
芘血翼諸姜后遽以告王王恐發書而占之曰蜉蝣之羽飛集
於戶鴻之戾止弟弗克理重靈降誅尚復其所問左史氏史豹
曰蟲飛集戶是日失所惟彼小人弗克以育君子史良曰是謂
關親將留其身歸于母氏而後獲寧冊而藏之厥休將振王與
令尹冊而藏之於櫝居三月越姬死七日而復言其情曰先君
怒予甚曰爾夷隸也胡竊君之子不歸母氏將翼而大戮及王
子於治

文選思立賦注引作古文周書案以下三條亦汲冢所得今竝附于後

穆王田有黑鳥若鳩翩飛而跼於衡御者斃之以策馬逸不克

止之賁於乘傷帝左股

文選緒白馬賦注引作古文周書

文王夢天帝服玄纁以立於令狐之津帝曰昌賜汝望文王再拜稽首太公於後亦再拜稽首文王夢之夜太公夢之亦然其後文王見太公而許之曰而名爲望乎荅曰唯爲望文王曰吾如有所於見汝太公言其年月與其日且盡道其言臣此以得見也文王曰有之有之遂與之歸以爲卿士

晉太康十年汲縣齊太公廟碑引周志

經典集林卷九

陸賈楚漢春秋一卷

經典集林卷十

臨海 洪頤煊 校集

承德 孫 彤 校訂

項燕爲秦將王翦所殺

史記項羽本紀索隱

項梁陰養士九十人叅木者所與計謀者也木佯疾於室中鑄

大錢以具甲兵

太平御覽八百三十五

項梁陰養士最高者多力拔樹以擊地

太平御覽三百八十六

吳廣說陳涉曰王引兵西擊則野無交兵

文選曹子建又贈丁儀王粲詩注

會稽假守殷通

史記項羽本紀正義漢書項籍傳注

東陽獄吏陳嬰

史記項羽本紀正義

上過陳留酈生求見使者入通公方洗足問何如人曰狀類大

儒上曰吾方以天下爲事未暇見大儒也使告酈生瞋目

按劔曰入言高陽酒徒非儒者

北堂書鈔一百二十二太平御覽三百四十二又三百六十六

案史通雜說篇劉氏初與書惟陸賈而已子長述楚漢之事專據此書如酈生之初謁沛公高祖之長歌鴻鵠非唯文句有

別遂乃事理皆殊

高祖向咸陽南趣宛宛堅守不下乃匿其旌旗人銜枚馬束口

龍舉而翼奮

案北堂書鈔十二引龍舉翼起四字

雞未鳴圍宛城三匝宛城降

史記

高祖本紀索隱太平御覽三百五十七

秦王子嬰樊噲請殺之

史記高祖本紀索隱

沛公西入武關居於灞上遣將軍閉函谷關無內項王項王大

將亞父至關不得入怒曰沛公欲反耶即令家發薪一束欲燒

關門關門乃開

藝文類聚六

解先生云遺守函谷關無內項王

史記高祖本紀索隱案項羽本紀集解留侯世家索隱

漢書張良傳臣贊注云楚漢春秋鯁生本姓解

項王在鴻門而亞父謀曰吾使人望沛公其氣衝天五色相摻
或似龍或似蛇或似虎或似雲或似人此非人臣之氣也不若
殺之

水經渭水注太平御覽十五
又八十七又八百七十二

沛公脫身鴻門從間道至軍張良韓信乃謁項王軍門曰沛公
使臣奉白璧一雙獻大王足下王斗一隻獻大將軍足下亞父

受玉斗置地戟撞破之

太平御覽三百五十二

說者曰人言楚人沐猴而冠
耳果然項王聞之烹說者

蔡生

史記項羽
本紀集解

三老董公八十二遂封爲成侯

史記高祖
本紀正義

項王爲高閣置太公於上告漢王曰今不急下吾烹太公漢王

曰吾與項王約爲兄弟吾翁卽汝翁若烹汝翁幸分我一杯羹

太平御覽一百八十

四又六百九十六

常數從其下鄉新昌

史記淮陰侯
列傳索隱

從問道草山史記淮陰侯而望趙軍

北郭先生獻策於淮陰侯曰牛為人任用力盡猶不置其革平

御覽六百九十六

項王使武陟說淮陰侯淮陰侯曰臣故事項王位不過郎中官

不過執戟及去項歸漢漢王賜臣玉案之食玉具之劍臣背判

之內愧于心也

北堂書鈔一百三十三藝文類聚六十九文選張平子四愁詩注太平御覽七百十

上東園項羽聞樊噲反旋頭公孫戎明之卒不反封戎二千戶

漢書王莽傳晉灼注

上欲封侯公匿不肯復見曰此天下之辨士所居傾國故號平

國君史記項羽本紀正義文選陸士衡漢高祖功臣頌注

歌數闕美歌曰漢兵已略地四方楚歌聲大王意氣盡賤妾何

聊生史記項羽本紀正義

高帝初封侯者皆賜丹書鐵券曰使黃河而帶泰山如礪漢有

宗廟爾無絕世

太平御覽五百九十八又六
百三十三因學紀聞十二

漢已定天下論羣臣破敵禽將活死不衰絳灌樊噲是也功成

名立臣為爪牙世世相屬百世無邪絳侯周勃是也

文選劉子
駿發書讓

太常博士注

案漢書禮樂志注陳平
傳注云楚漢春秋高祖功臣別有絳灌

上敗彭城薛人丁固

案史記季布列傳季布母弟丁
公集解楚漢春秋云薛人各固

追上上被

髮而顧曰丁公何相逼之甚乃廼馬而去上即位欲陳功上曰

使項氏失天下者是子也為人臣用兩心非忠也使下吏笞殺

之

太平御覽三百七十
三又六百四十九

上封許負為鳴雌亭侯

史記周勃
世家索隱

正疆數言事而當上使參乘解玉劍以佩之天下定以為守有

告之者上曰天下方急汝何在曰上曰正疆沐浴霜露與我

從軍而汝亡告之何也下廷尉劓太平御覽六

淮陰武王反上白擊之張良居守上體不安臥輜車中行三四

里留侯走東追上簪墮被髮及輜車排戶曰陛下即棄天下欲

以王葬乎以布衣葬乎上罵曰翁天子也何故以王及布衣葬

乎良曰淮南反于東淮陰害于西恐陛下倚溝壑而終也太平御覽

三百九十四

其舍人得謝公史記淮陰侯列傳索

罪於信隱漢書韓信傳注

黥布笑曰人相豈是乎史記黥布

我當刑而王列傳索隱

黥布反羽書至上大怒文選虞子陽詠霍將軍北伐詩注

下蔡亭長嘗淮南王曰封汝爵為千乘東南盡日所出尚未足

黔徒羣盜所邪而反何也文選陸士衡

斬告蕭何者北堂書

鈔七

滕公爲御

史記夏侯嬰列傳索隱

孔將軍居左

漢書高帝功臣表注

叔孫何曰臣三諫不從請以身當之撫劍將自殺上離席曰吾

聽子計不易太子

史記叔孫通列傳索隱案集解叔孫通楚漢春秋各何

四皓四人冠韋冠佩銀環衣服甚鮮

後漢書馮衍傳注

惠帝崩呂太后欲爲高墳從未央宮坐而見之諸將諫不許東

陽侯垂泣曰陛下日夜見惠帝冢悲哀流涕無已是傷生也臣

竊哀之於是太后乃止

藝文類聚三十五太平御覽四百五十七又四百八十八又五百五十七

田子春說張卿云劉澤宗家也

史記燕王世家索隱案世家云高后時齊人田生游乏資以

畫千營陵侯澤集解晉灼曰楚漢春秋田子春漢書燕王傳注作字子春

趙中大夫曰臣聞越王句踐素甲三千

文選潘岳關中詩注

吳太子名賢字德明

史記吳王濞世家索隱

韓王信都

史記韓王信列傳案隱漢書功臣表注史通雜說篇

清陽侯王隆

史記高祖功臣年表案隱表同而楚漢春秋則不同者陸賈記事在高祖惠

帝時漢書是後定功臣等列

陽陵侯

陰陵

史記高祖功臣表案隱

博陽侯

名噴

史記高祖功臣表案隱

夜侯蠡達

史記高祖功臣表案隱

南宮侯張耳

史記高祖功臣表案隱

周愬成侯

史記周緤列傳案隱漢書周緤傳注

經典集林卷十

茂陵書一卷

經典集林卷十一

臨海 洪頤煊 撰集

承德 孫 彤 校訂

武功爵一級曰造士二級曰閑輿衛三級曰良士四級曰元戎

士五級曰官首六級曰秉鐸七級曰千夫八級曰樂卿九級曰

執戎十級曰左庶長十一級曰軍衛史記平準書集解漢書食貨志臣瓚注通典十一

丞相爲工用程數史記太史公自序集解

御史大夫秩中二千石漢書百官公卿表臣瓚注

中丞別居殿內舉劾按章故曰中丞北堂書鈔六十二

司馬談以太史公爲太史令史記太史公自序集解

詹事秩眞二千石史記孝景本紀集解漢書百官公卿表臣瓚注

太子家令秩八百石史記晁錯列傳集解漢書百官公卿表臣瓚注

姬內官也秩比二千石位次婕妤下在七子八子之上史記呂后本紀

集解漢書文帝紀臣瓚注

蕭何國在南陽史記蕭何世家集解漢書高帝紀臣瓚注水經河水注

公孫賀封南笏侯漢書衛青傳臣瓚注公孫賀傳臣瓚注

象郡治臨塵去長安萬七千五百里漢書高帝紀臣瓚注

珠崖郡治暉都去長安七千三百一十四里儋耳去長安七千

三百六十八里領縣五漢書武帝紀臣瓚注後漢書杜篤傳注

沈黎郡治笮都去長安三千三百三十五里領縣二十一漢書武帝

紀臣瓚注

臨屯郡治東曉縣去長安六千一百三十八里十五縣真番郡

治雲縣去長安七千六百四十里十五縣漢書武帝紀臣瓚注

諸賈人未作貲貸置居色儲積諸物及商以取利者雖無市籍

各以其物自古率緡錢二十而一筭

漢書武帝紀臣瓚注

緡田奴婢

史記平準書集解

廣柳車每縣數百乘

史記季布列傳集解

歌都麗桂英美芳鼓行

漢書禮樂志臣瓚注

經典集林卷十一

劉向別錄一卷

經典集林卷十二

臨海 洪頤煊 輯集

承德 孫 彤 校訂

子夏易傳

唐會要七十七

服氏齊人號服光

漢書藝文志注釋文序錄案釋文叙錄引作服先

神輸者王道失則災害生得則四海輸之祥瑞

漢書藝文志注

京房易說云日與星至陰也有形無光日照之乃有光喻如鏡

照日即有影見月初光見西方望已後光見東者日所照也

太平

御覽四案引作劉向七略各書所引別錄七略多同今以題劉向者俱入于別錄

易家有救民之法

史記淮南王列傳索隱

所核讐中易傳淮南九師道訓除復重定著十二篇淮南王聘

善為易者九人從之採獲故中書署曰九師書

初學記二十一太平御覽六百

九案太平御覽引作劉向別傳九師書上有淮南二字

所校讐中易傳古五子書除復重定著十八篇分六十四卦著

之日辰自甲子至於壬子凡五子故號曰五子初學記二十一

段嘉卽京房所從受易者也見儒林傳及劉向別錄漢書藝文志注

五十八篇尚書堯典正義

虞夏書尚書堯典正義

武帝末民有得泰誓書於壁內者獻之與博士使讀說之數月

皆起傳以教人尚書序正義

周時語誓號令也蓋孔子所論百篇之餘也漢書藝文志注引劉向云

百篇次第於序孔鄭不同孔依壁內及序爲文鄭依賈氏所

奏別錄爲次尚書堯典正義

師之尚之父之故曰師尚父父亦男子之美稱也毛詩大明正義論語泰伯

疏史記齊世家集解

古文記二百四篇

釋文序錄

制文帝所造書有本制兵制服制篇

史記封禪書索隱

明堂之制內有太室象紫宮南出明堂象太微

後漢書班固傳注案隋書牛

宏傳云案劉向別錄及馬宮蔡邕等所見當時有古文明堂禮

王居明堂禮明堂圖明堂大圖明堂陰陽太山通義魏文侯孝

經傳等並說古明堂之事其書皆亡

路寢在北堂之西社稷宗廟在路寢之西

左明堂辟雍右宗廟社稷

周禮匠人疏

九主者有法君專君授君勞君等君寄君破君國君三歲社君

凡九品圖畫其形

史記般本紀集解

王度記似齊宣王時淳于髡等所說也

禮記雜記正義

王史六國時人也

漢書藝文志注

士冠禮第一士昏禮第二士相見禮第三鄉飲酒禮第四鄉射

禮第五燕禮第六大射儀第七聘禮第八公食大夫禮第九覲

禮第十喪服第十一士喪禮第十二士喪禮下篇第十三士虞

禮第十四特牲饋食禮第十五少牢饋食禮第十六少牢下篇

第十七

儀禮疏鄭目錄案士冠禮疏云大戴戴聖與劉向爲

爲第三自茲以下篇次則異其劉向別錄卽此十七篇之次是也

曲禮屬制度檀弓屬通論王制屬制度月令屬明堂陰陽曾子

問屬喪服文王世子屬世子法禮運屬通論禮器屬制度郊特

牲屬祭祀內則屬子法玉藻屬通論明堂位屬明堂陰陽喪服

小記屬喪服大傳屬通論少儀屬制度學記屬通論樂記屬樂

記雜記屬喪服喪大記屬喪服祭法屬祭祀祭義屬祭祀祭統

屬祭祀經解屬通論哀公問屬通論仲尼燕居屬通論孔子問

居屬通論坊記屬通論中庸屬通論表記屬通論緇衣屬通論
奔喪屬喪服問喪屬喪服服問屬喪服閒傳屬喪服三年問屬
喪服深衣屬制度投壺屬吉禮儒行屬通論大學屬通論冠義
屬吉事昏義屬吉事鄉飲酒義屬吉事射義屬吉事燕義屬吉
事聘義屬吉事喪服四制舊說屬喪服禮記正義鄭目錄案釋文序錄云劉向別錄義云別錄禮記四十九篇樂記第十九

鄭目錄云樂記者以其記樂之義此於別錄屬樂記蓋十一

篇合爲一篇謂有樂本有樂論有樂施有樂言有樂禮有樂

情有樂化有樂象有賓牟賈有師乙有魏文侯今雖合此略

有分焉

禮記樂記正義案史記樂書正義云劉向別錄篇次與鄭目錄同而樂記篇次又不依鄭目錄記正義

云依別錄所次有賓牟賈有師乙有魏文侯今此樂記有魏文侯乃次賓牟賈師乙爲末則是今之樂記與別錄不同

劉向校書得樂記二十三篇著於別錄今樂記所斷取十一

篇餘有十二篇其名按別錄十一篇餘次奏樂第十二樂器
第十三樂作第十四意始第十五樂穆第十六說律第十七
季札第十八樂道第十九樂義第二十昭本第二十一昭頌
第二十二寶公第二十三是也

禮記樂記正義

雅琴之意事皆出龍德諸琴雜事中趙氏者勃海人趙定也宣
帝時元康神爵間丞相奏能鼓琴者勃海趙定梁國龍德皆召
入見溫室使鼓琴待詔定爲人尚清淨少言語善鼓琴時聞燕
爲散操多爲之涕泣者

後漢書劉昆傳注初學記十六藝文類聚四十四白帖六十二太平御覽五百

七十九事類賦注十一

師氏雅琴者名志東海下邳人傳云言師曠之後至今邳俗猶

多好琴也

北堂書鈔一百九

雅琴亦魏相所奏也與趙定俱召見待詔後拜爲侍郎

漢書藝文志注

樂歌詩四篇趙氏雅琴七篇師氏雅琴八篇龍氏雅琴百六篇

隋書音
樂志

君子因雅琴之適故從容以致思焉其道閑塞悲愁而作者名

其曲曰操言遇災害不失其操也

後漢書曹
褒傳注

左丘明授曾申申授吳起起授其子期期授楚人鐸椒鐸椒作

抄撮八卷授虞卿虞卿作抄撮九卷授荀卿荀卿授張蒼

春秋
左氏

傳序
正義

世本古史官明於古事者之所記也錄黃帝已來帝王諸侯及

卿大夫系諡名號凡十五篇也

史記集解
序索隱

魯論語二十篇皆孔子弟子記諸善言也

論語
序疏

魯人所學謂之魯論齊人所學謂之齊論古壁所得謂之古論

皇侃論語
義疏序

孔子見魯哀公問政比三朝退而為此記故曰三朝凡七篇竝

入大戴禮

史記五帝本紀索隱三國志秦宓傳注北堂書鈔九十九藝文類聚五十五案三國志注藝文類聚引

作孔子三見哀公作三朝七篇今在大戴禮

經古文文字也庶人章分爲二也會子敢問章爲三又多一章凡

二十二章

漢書藝文志注引劉向云

周宣王太史作大篆也

文選魏都賦注

古文或誤以見爲典以陶爲陰如此類多

北堂書鈔一百一十六平御覽六百一十八

殺青者直治竹作簡書之耳新竹有汗善朽蠹凡作簡者皆於

火上炙乾之陳楚間謂之汗汗者去其汗也

初學記二十八太平御覽六百六

案後漢書吳佑傳注云殺青者以火炙簡令汗取青易書復不蠹謂之殺青亦謂之汗簡義見劉向別錄

讐校一人讀書校其上下得繆誤爲校一人持本一人讀書若

怨家相對故曰讐也

文選魏都賦注太平御覽六百一十八

晏平仲名嬰東萊夷維人事齊靈公莊公以節儉力行重於齊

世說新語言語篇注 案史記管晏列傳集解引萊者今東萊地也

稷齊城門名也談說之士期會於稷門下故曰稷下也史記田敬仲世

家集解水經淄水注

太平寰宇記十八

吁芋子史記荀卿列傳索隱

徐子外黃人也史記魏世家集解

臣向與黃門侍郎歆所校列女傳種類相從為七篇以著禍福

榮辱之效是非得失之分畫之於屏風四堵初學記二十五太平御覽七百一

揚雄經目有元首元衝元錯元測元舒元營元數元文元規元

圖元告元問合十二篇蕭該漢書音義

鬻子名熊封於楚辛甲故殷之臣事紂蓋七十五諫而不聽去

至周召公與語賢之告文王文王親自迎之以為公卿封長子

史記周本紀集解案
白辛甲下當別為一條

九府書名問無有山高一名形勢
史記管晏列傳集解

莊子宋之蒙人也
史記老莊列傳索隱

又作人姓名使相與語是寄辭於其人故莊子有寓言篇
史記莊子列傳

索隱

老萊子古之壽者
文選遊天台山賦注

鵲冠子常居深山以鵲為冠故號鵲冠子
藝文類聚六十七文選劉孝標辨命論注

太平御覽六
百八十五

周人問小書其言俗薄
漢書藝文志注

郎中故待詔不知其姓數從游觀各能為文
漢書藝文志注引劉向云

鄭長鄭人不知其名
漢書藝文志注

駟衍之所言五德終始天地廣大其書言天事故曰談天
史記荀卿

列傳集解後漢書西域
傳注北堂書鈔九十九

方士傳言鄒衍在燕燕有谷地美而寒不生五穀鄒子居之吹

律而溫氣至而黍生今名黍谷

北堂書鈔一百十二藝文類聚
九文選魏都賦劉注顏延年秋

胡詩注阮嗣宗詣蔣公奏記注
白帖六太平御覽八百四十二

齊使鄒衍過趙平原君見公孫龍及其徒蔡母子之屬論白馬

非馬之辨以問鄒子鄒子曰彼天下之辨有五勝三至而辭正

爲下辨者別殊類使不相害序異端使不相亂并意通指明其

所謂使人與知焉不務相迷也故勝者不失其所守不勝者得

其所求若是故辨可爲也及至煩文以相假飾辭以相悖巧譬

以相移引人聲使不得及其意如此害大道夫繳紛爭言而競

後息不能無害君子坐皆稱善

史記平原君
列傳集解

杜文韓人也

漢書藝
文志注

黃帝或言韓諸公孫之所作也言陰陽五行以為黃帝之道也

故曰秦素漢書藝文志注

騶頡修行之文飾若雕鏤龍文故曰雕龍史記荀卿列傳集解後漢書崔駰傳注北

堂書鈔一百案後漢書注引作鄒奭脩飾之文若雕龍文太平御覽四百六十四引云鄒奭者廣采鄒衍之術迂大而閎辨

文具難勝齊人美之頌日談天鄒文與此異

于長天傳天下忠臣漢書藝文志注

下忠臣傳天下忠臣史記申韓京人京今河南京縣也史記申韓列傳索隱

申今民間所有上下二篇中書六篇皆合二篇已備過太史公

所記也史記申韓列傳索隱

孝宣皇帝重申不害君臣篇使黃門郎張子喬正其字太平御覽二百

二十

申子學號曰刑名刑名者循名以責實其尊君卑臣崇上抑下

合於六經也宣帝好觀其君臣篇

史記張叔列傳索隱漢書元帝紀注張歐傳注

鄧析好刑名操兩可之說設無窮之辭數難子產為政子產執

而戮之

荀子不苟篇注引劉向云

尹文與宋鉞俱游稷下

漢書藝文志注引劉向云

公孫龍持白馬之論以度關

初學記七

成公

與李斯子由同時由為三川守成公生游談不仕

漢書藝文志注

引劉向云

毛論堅白同異以為可以治天下

漢書藝文志注

名家者流出於禮官古者名位不同禮亦異數孔子曰必也正

名乎

史記太史公自序索隱漢書司馬遷傳注

我為墨子之學

漢書藝文志注

墨子書有文子文子子夏之弟子問於墨子

史記荀卿列傳索隱

炙過 過字作𨔵𨔵者車之盛膏器也炙之雖盡猶有餘流者言

淳于髡智不盡如炙𨔵也

史記荀卿列傳集解

尉繚 繚為商君學

漢書藝文志注

楚有尸子疑謂其在蜀今案尸子書晉人也名佼秦相衛鞅客也衛鞅商君謀事畫計立法理民未嘗不與佼規也商君被刑佼恐并誅乃亡逃入蜀自為造此二十篇凡六萬餘言卒因葬

蜀

史記荀卿列傳集解

朔之文辭有封泰山賁和氏璧及皇太子生襍屏風殿上柏柱平樂觀賦獵八言七言上下從公孫弘借車凡劉向所錄

朔書具是矣師古曰劉向別錄所載

漢書東方朔傳

督亢膏腴之地

史記荆軻列傳集解後漢郡國志補注

丹燕王喜之太子

史記荆軻列傳索隱

神疑李悝及商君所說漢書藝文志注案史記貨殖列傳李

也悝

尹都尉書有種瓜篇太平御覽九百七十八

尹都尉書有種蓼篇太平御覽九百七十九

尹都尉書有種芥葵蓼薤葱諸篇太平御覽九百八十

都尉有種葱書曹公與其先生言細人覘之見有拔葱藝文類聚八十

二

汜勝使教田三輔有好田者師之徙為御史漢書藝文志注

祭邯鄲人漢書藝文志注

待詔臣饒齊人也不知其姓武帝時待詔作書名曰心術也漢書

藝文志注

賈誼甲因以自諭自恨也史記賈誼列傳集解

淮南王有薰籠賦北堂書鈔一百三十
五太平御覽七百十

向有芳松枕賦白帖十四太平
御覽七百七

向有合賦太平御覽七
百一十七

有騏麟角杖賦北堂書鈔一百三十三太平
御覽七百十事類賦注十四

有行過江上弋雁賦行弋賦弋雌得雄賦太平御覽八
百三十二

待詔馮商作燈賦藝文類
聚八十

商字子高漢書藝
文志注

臣向謹與長社尉社參校中秘書漢書藝
文志注

驃騎將軍史朱宇漢書藝
文志注

隱書者疑其言以相問對者以慮思之可以無不論漢書藝
文志注

有麗人歌賦漢興以來善雅歌者魯人虞公發聲清哀遠動梁

塵受學者莫能及也藝文類聚四十三文選嘯賦注事類賦注
十一案初學記十五魯人虞公見劉向

別錄

孫子書以殺青簡編以縹絲繩

北堂書鈔一百三
太平御覽六百六

楚鞠者傳言黃帝所作或曰起戰國之時楚鞠兵勢也所以練

武士知有材也皆因嬉戲而講習之今軍士無事得使楚鞠有

書二十五篇

史記蘇秦列傳集解衛霍列傳索隱後漢書梁冀傳注初學記四一切經音義二白帖四太平御覽

二百九十七又七百
五十四事類賦注四

人民蚤蝨衆多則地癢也

北堂書鈔一百五十七

鑿山鑽石則見地痛也

北堂書鈔一百五十七

薛公藏於賣漿家徐廣曰漿或作醪按別錄知也

史記信陵君列傳索

隱

經典集林卷十二

劉歆七略一卷

經典集林卷十三

臨海 洪頤煊 撰集

承德 孫 彤 校訂

孝武皇帝勅丞相公孫宏廣開獻書之路百年之間書積如丘

山故外有太常太史博士之藏內有延閣廣內祕室之府漢書

志如淳注北堂書鈔十二又一百一兩引初學記十二藝文類聚十二文選爲范始興求立太宰碑表注太平御覽八十七又

二百三十三又六百一十九

子夏易傳漢興韓嬰傳釋文序錄

易傳淮南九師道訓者淮南王安所造也文選齊竟陵文宣王行狀注

書以決斷斷者義之證也初學記二十一太平御覽六百九

尚書直言也始歐陽氏先君名之大夏侯小夏侯復立於學官

三家之學於今傳之初學記二十一太平御覽六百九

孝武皇帝未有人得泰誓於壁中者獻之與博士使讚說之因

傳以教今泰誓篇是也文選劉子駿移書讓太常博士注案尚書正義引作別錄文選注引此作七

略不題劉向

今並入此

詩以言情情者性之符也初學記二十一太平御覽六百九

禮家先魯有桓生說經頗異文選劉子駿移書讓太常博士注

宣皇帝時行射禮博士后蒼為之辭至今記之曰曲臺記文選齊竟

陵文宣王行狀注

王者師天地體天而行是以明堂之制內有太室象紫微宮南

出明堂象太微文選西都賦注

雅琴琴之言禁也雅之言正也君子守正以自禁也文選長門賦注

雅暢第十七文選琴賦注

有莊春言琴文選洞簫賦注

漢興善歌者魯人虞公發聲動梁上塵

文選嘯賦注陸士衡擬古詩注曹子建七啟注

白帖六十一

春秋兩家文或具四詩或不以古者無事不必具四時

初學記二十一

馬商商陽陵人治易事五鹿充宗後事劉向能屬文後與孟柳同

待詔頗序列傳未卒會病死

漢書藝文志注張湯傳注

論語家近琅琊王卿不審名及膠東庸生皆以教

文選劉子駿移書讓太常

博士注

晏子七篇在儒家

史記管晏列傳正義

太公金版玉匱雖近世之文然多善者

文選王文憲集序注

鄒子有終始五德言土德從所不勝木德繼之金德次之火德

次之水德次之

文選魏都賦注應貞華林園集詩注

方士傳言鄒子在燕其游諸侯畏之皆郊迎而擁彗

文選阮嗣宗詣蔣公

奏記注揚子
雲解嘲注

齊有稷城門也齊談說之士期會於稷下者甚衆文選曹子建與楊德祖書

注

管子十八篇在法家史記管晏列傳正義

蜎子名淵楚人也文選七發注

齊田駢好談論故齊人爲語曰天口駢天口者言田駢子不可

窮其口若事天文選宣德皇后令注

鄒赫子齊人齊爲之語曰雕龍赫赫齊鄒行之術文飾之若雕

錄龍文文選宣德皇后令注

盤盂書者其傳言孔甲爲之孔甲黃帝之史也書盤盂中爲誠

法或於鼎名曰銘文選陸佐公新刻漏銘注

孝宣皇帝詔徵被公見誦楚辭被公羊裘母老每一誦輒與粥

北堂書鈔一百四十四
太平御覽八百五十九

莊忽期者或言莊夫子子或言族家子莊助昆弟也從行至

奇茂陵詔造賦

漢書藝文志注

甘泉賦永始三年待詔臣雄上

文選甘泉賦注

羽獵永始三年十二月上

文選羽獵賦注長楊賦注

長楊賦綏和元年上

文選長楊賦注

子雲家牒言以甘露元年生也

文選王文憲集序注

揚雄卒弟子侯芭負土作墳號曰立冢

文選劉先生夫人墓志注太平御覽五百五十

八

杜參杜陵人以陽朔元年病死時年二十餘

漢書藝文志注

繇叙由余

白帖五十五

魏公信陵君也

白帖五十五

魏公子兵法二十一篇圖七卷

史記信陵君列傳集解

鑾門射法

史記龜策列傳集解

蹇鞠者傳言黃帝所作王者宮中必左城而右平城猶國也言

有國當治之也蹇鞠亦有治國之象左城而右平

文選西都賦注景福殿賦

注

蹋鞠兵勢也

文選景福殿賦注

蹋鞠其法律多微意皆因嬉戲以講練士至今軍士羽林無事

使得蹋鞠

文選景福殿賦注

甘公一名德

史記陳餘列傳索隱

風后孤虛十二卷

史記龜策列傳索隱

論方技為四家有醫經家有方家有房中家有神仙家

初學記二十

尚書有青絲編目錄

文選為范始興求立太宰碑表注

尚書郎中北海展隆

文選班孟堅典引注

羽蓋琴麗紛循悠悠

文選東都賦注案以下不類七略或七啟之篇

解紛釋結反之於平安

文選孔文舉薦禰衡表注

位累我躬

文選任彥昇為齊明帝讓宣城郡公第一表注

詩曰結構野草起室廬

文選諸葛孔明出師表注

經典集林卷十三

揚雄蜀王本紀一卷

經典籍林卷十四

臨海 洪頤煊 撰集

承德 孫 彤 校訂

蜀之先稱王者有蠶叢柏濩魚鳧

案文選蜀都賦劉注引下有蒲澤二字

開明是

時人剪椎髻左衽不曉文字未有禮樂從開明已上至蠶叢積

三萬四千歲

文選蜀都賦劉注魏都賦劉注王元長三月三日曲水詩序注太平御覽一百六十六

案太平御

覽引作凡四千歲

蜀王之先名蠶叢後代名曰柏濩後者名魚鳧

案初學記八藝文類聚六太平

御覽一百六十六引作次曰伯雍又次曰魚鳧

此三代各數百歲皆神化不死其民亦

頗隨王化去魚鳧田於湔山得仙今廟祀之於前時蜀民稀少

太平御覽一百六十六又九百二十三

後有一男子名曰杜宇

案史記三代世表索隱引作朱提有男子杜宇

從天墮止朱提

有一女子名利從江源井中出為杜宇妻乃自立為蜀王號曰

望帝

案太平御覽一百六十六引下有發居邦邑四字

治汶山下邑曰郫化民往往復

出

文選思立賦注太平御覽一百六十六又八百八十八

望帝積百餘歲荆有一人名鼈靈

案後漢書注文選注引作鼈令

其尸亾去荆

人求之不得鼈靈尸隨江水上至郫遂活與望帝相見望帝以

鼈靈為相時玉山出水若堯之洪水望帝不能治使鼈靈決玉

山名得安處鼈靈治水去後望帝與其妻通慙媿自以德薄不

如鼈靈乃委國授之而去如堯之禪舜鼈靈即位號曰開明帝

帝生盧保亦號開明

後漢書張衡傳注文選思立賦注太平御覽八百八十八又九百二十三事類賦注

六

望帝去時子鵲鳴故蜀人悲子鵲鳴而思望帝望帝杜宇也後

天墮

太平御覽九百二十三

開明帝下至五代有開明尚始去帝號復稱王也後漢書張衡傳注

天爲蜀王生五丁力士能徙蜀山王无五丁輒立大石長三丈

重千鈞號曰石牛千人不能動萬人不能移藝文類聚七太平御覽八百八十八

蜀王據有巴蜀之地本治廣都樊鄉徙居成都秦惠王遣張儀

司馬錯定蜀因築成都而縣之成都在赤里街張若徙置少城

內始造府縣寺舍今與長安同制太平御覽八百八十八太平寰宇記七十二

秦惠王時蜀王不降秦秦亦無道出於蜀蜀王從萬餘人東獵

褒谷卒見秦惠王秦王以金一笥遺蜀王蜀王報以禮物禮物

盡化爲土秦王大怒臣下皆再拜賀曰土者也秦當得蜀矣

太平御覽三十七又四百七十八又八百十一又八百七十二又八百八十八事類賦注九

秦惠王本紀曰秦惠王欲伐蜀乃刻五石牛案太平御覽八百八十八引作秦王

恐無利見處乃刻五石牛置金其後蜀人見之以爲牛能大便金牛下有養

卒以爲此天牛也能便金蜀王以爲然卽發卒千人使五丁力

士拖牛成道致三枚於成都秦道得通石牛之力也後遣丞相

張儀等隨石牛道伐蜀焉

北堂書鈔一百十六藝文類聚九十
四白帖九十六太平御覽三百五又

八百八十八

武都人有善知蜀王者將其妻女適蜀居蜀之後不習水土欲

歸蜀王心愛其女留之乃作伊鳴之聲六曲以舞之

北堂書鈔一百六太

平御覽八百八十八

案北堂書鈔引作乃東平之歌以樂也

武都丈夫化爲女子

案太平御覽八百八十八
引武都上有或曰前三字

顏色美好蓋山

之精也蜀王娶以爲妻

案藝文類聚作爲夫人

不習水土疾病欲歸蜀王

留之無幾物故蜀王發卒于武都擔土於成都郭中葬之蓋地

三畝高七丈號曰武擔

案開元占經引作又怨之號曰武擔

以石作鏡一枚表其

墓徑一丈高五尺

後漢書任文公傳注三國志蜀先主傳注北
堂書鈔九十四初學記五藝文類聚六又七

十開元占經一百十三太平御覽五十二
又七百十七又八百八十八事類賦注七

於是秦王知蜀王好色乃獻美女五人于蜀王蜀王愛之遣五
丁迎女還至梓潼見一大蛇入山穴中一丁引其尾不出五丁
共引蛇山乃崩壓五丁五丁踏地大呼秦王五女及迎送者皆
上山化爲石蜀王登臺望之不來因名五婦候臺蜀王親埋作
冢皆致万石以誌其墓

初學記五藝文類聚七又九十六白帖
五太平御覽五十二又三百八十六又

八百八十八又九百三
十四事類賦注二十八

秦惠王遣張儀司馬錯伐蜀王開明拒戰不利退走武陽獲之

太平寰宇

記七十二

張儀伐蜀蜀王開明戰不勝爲儀所滅

史記秦本
紀索隱

秦王誅蜀侯惲後迎葬咸陽天雨三月不通因葬成都蜀人求

雨祠蜀侯必雨

太平御
覽十一

蜀王有鸚武舟

初學記二十五太平御覽一百三十七

秦爲舳舻萬艘欲攻楚

太平御覽七百七十

秦襄王時宕渠郡獻長人長二十五丈六尺

法苑珠林八太平御覽三百七十七

禹本汶山郡廣柔縣人生於石紐其地名痢兒畔禹母吞珠孕

禹圻副而生於縣塗山娶妻生子名啟於今塗山有禹廟亦爲

其母立廟

史記夏本紀正義初學記九太平御覽八十三又五百三十一

老子爲關令尹喜著道德經臨別日子行道千日後于成都青

羊肆尋吾今爲青牛觀是也

太平御覽一百九十一太平寰宇記七十二

江水爲害蜀守李冰作石犀五枚二枚在府中一枚在市橋下

二枚在水中以厭水精因曰石犀里也

北堂書鈔三十九藝文類聚九十五太平御覽

八百九十

李冰以秦時爲蜀守謂汶山爲天彭關號曰天彭門云亾者悉

過其中鬼神精靈數見

太平寰宇記七十三

蒲氏縣前有兩石對如闕號曰彭門

後漢郡國志補注

宣帝地節中始穿鹽井數十所

太平御覽八百六十五

經典集林卷十四

班固漢武故事卷上

經典集林卷十五

臨海 洪頤煊 撰集

承德 孫 彤 校訂

景帝王皇后內太子宫得幸有娠夢日入其懷

初學記九太平御覽八十八

景帝常夢高祖謂已曰王美人生子可名為彘

案太平御覽八十八下有及生

男日因各之焉八字

以乙酉年七月七日旦生武帝於猗蘭殿

史記外戚世家索隱

北堂書鈔二十三初學記九又十文選宋元皇后哀

策文注太平御覽三十一又八十八事類賦注五

武帝四歲封為膠東王數歲長公主抱着其膝上問曰兒欲得

婦不膠東王曰欲得婦長主指左右長御百餘人皆云不用因

指其女

案藝文類聚作陳后

問曰阿嬌好不

案史記外戚世家索隱引后名阿嬌藝文類聚阿嬌后字

於是乃笑對曰好若得阿嬌作婦當作金屋貯之長主大悅乃

苦要上遂定婚焉

初學記十藝文類聚十六又八十三太平御覽八十八又一百八十一又八百一十一事

類賦注九

案藝文

類聚十六文少異

膠東王爲皇太子時年七歲上曰彘者微也因改曰微

初學記
十太平

御覽八
十八

丞相周亞夫宴時太子在側亞夫失意有怨色太子視之不輟
亞夫於是起帝曰爾何故視此人耶對曰此人可畏必能作賊
帝曰因此怏怏非少主之臣也

太平御覽
八十八

廷尉上囚防年繼母陳殺父因殺陳依律年殺母大逆論帝疑
之詔問太子太子對曰夫繼母如母明其不及母也緣父之愛
故比之於母耳今繼母無狀手殺其父則下手之日母恩絕矣
宜與殺之者同不宜大逆論帝從之年棄市議者稱善時太子
年十四帝益以奇之

太平御覽
八十八

後卽位常晨往夜還與霍去病等十餘人皆輕服爲微行且以

觀戲市里察民風俗嘗至蓮勺通道中行行者皆奔避路上怪之使左右問之云有持戟詐呵者數十人時微行率不過二十人馬七八疋更步更騎衣如凡庶不可別也亦了無騶御而百姓咸見之

太平御覽
八十八

上嘗微行至柏谷夜投亭宿亭長不內乃宿於逆旅逆旅翁謂上曰汝長大多力當勤稼穡何忽帶劍羣聚夜行動衆此不欲爲盜則淫耳上默然不應因乞漿飲翁荅曰吾止有溺無漿也有頃還內上使人覘之見翁方要少年十餘人皆持弓矢刀劍令主人嫗出安過客嫗歸謂其翁曰吾觀此丈夫非常人也且亦有備不可圖也不如因禮之其夫曰此易與耳鳴鼓會衆討此羣盜何憂不剋嫗曰且安之令其眠乃可圖也翁從之時上從者十餘人旣聞其謀皆懼勸上夜去上曰去必致禍不如且

止以安之有頃嫗出謂上曰諸翁子不聞主人翁言乎此翁好

飲酒狂悖不足計也今日具令公子安眠無他嫗因還內時天

寒嫗酌酒多與其夫諸少年皆醉嫗自縛其夫諸少年皆矢嫗

出謝客殺雞作食平明上去是日還宮乃召逆旅夫妻見之賜

嫗金千斤擢其夫為羽林郎自是懲戒弗復微行北堂書鈔二十藝文類聚

九太平御覽五十四又八十八又一百九十五

上嘗輦至郎署見一老郎鬢眉皓白案文選注作眉皓髮衣服不完上

問曰公何時為郎何其老矣對曰臣姓顏名駟江都人也案文選注

作顏駟不知何許人文帝時為郎上問曰何不遇也駟曰文帝好文臣好

武景帝好老臣又少案文選注作景帝好美而臣貌醜陛下即位好少臣已老

是以三世不遇故老於郎署上感其言拜為會稽都尉後漢書張衡傳

注北堂書鈔一百四十文選思玄賦注太平御覽三百八十三又七百七十四

上少好學招求天下遺書上親自省校使莊助司馬相如等以類分別之好辭賦每所行幸及奇獸異物輒命相如等賦之上亦自作詩賦數百篇下筆卽成初不留思相如造文遲彌時而後成上每歎其工妙謂相如曰以吾之速易子之遲可乎相如曰於臣則可未知陛下何如耳上大笑而不責也

北堂書鈔一百二太平御覽

覽八十八

淮南王安好學集天下遺書於天下之術士

北堂書鈔一百一

然性嚴急不貸小過刑殺法令殊爲峻刻汲黯每諫曰陛下愛才樂士求之無倦比得一人勞心苦神未盡其用輒已然之以有限之士資無已之誅臣恐天下賢才將盡於陛下欲誰與爲

治乎黯言之甚怒上笑而喻之

藝文類聚二十四白帖三十九太平御覽八十八

公孫弘薨上聞而悲之乃改殯上自爲誄

太平御覽一百三

少翁年二百歲色如童子

史記封禪書正義

文成誅月餘有使者藉貨關東還逢之於漕亭還見言之上乃

疑發其棺無所見唯有竹筍一枚捕驗問無踪跡也

史記封禪書正義

帝拜樂大爲天道將軍使着羽衣立白茅上授玉印大亦羽衣

立白茅上授印示不臣也

太平御覽九百九十六

樂大有方術常於殿前樹旌數百丈因自令相擊庭中去地十

餘丈觀者大駭

太平御覽三百四十

東方朔言樂大無狀上發怒乃斬之

史記封禪書正義

上幸梁父祠地主上親拜

案藝文類聚九十八作上親拜用樂焉

庶羞以遠方奇

禽異獸及白雉白鳥之屬其日山上有白雲又有呼萬歲聲上

禪肅然白雲爲蓋

北堂書鈔九十一藝文類聚九十八又九十八太平御覽八

上祀太時祭常光明照長安城如月光上以問東方朔此何神

也朔曰此司命之神總鬼神者也上曰祠之能令益壽乎對曰

皇帝壽命懸於天司命無能爲也

太平御覽八百八十三

張寬字叔文漢時爲侍中從祀於甘泉至渭橋有女子浴於渭水乳長七尺上怪其異遣問之女曰帝後第七車知我所來時

寬在第七車對曰天星主祭祀者齋戒不嚴卽女人星見

太平廣記

一百六十一

上自封禪後夢高祖坐明堂羣臣亦夢於是祀高祖於明堂以

配天還作高陵館

太平御覽一百九十四又三百九十九

未央庭中設角抵戲者六國所造也秦并天下兼而增廣之漢

興雖罷然猶不都絕至上復采用之并四夷之樂雜以奇幻有

若鬼神角抵者使角力相抵觸者也

太平御覽七百五十五

未央庭中設角抵戲享外國三百里內觀角抵者使角力相觸

也其雲雨雷電无異於真畫地爲川聚石成山倏忽變化无所

不爲

北堂書鈔一百十二藝文類聚四十一廣韻四覺注

又起建章宮爲千門萬戶其東鳳闕高二十丈其北太液池池中漸臺高二十丈池中又爲三山以象蓬萊方丈瀛洲削金石爲魚龍禽獸之屬其南有玉臺玉堂基與未央前殿等去地十二丈門階陛皆用玉璧又作神明臺并榦樓高五十餘丈皆懸閭輦道相屬焉其後又爲酒池肉林聚天下四方奇異鳥獸於其中鳥獸能言能歌舞或奇形異態不可稱載傍別造華殿四夷珍寶充之琉璃珠玉火浣布切玉刀不可稱數巨象大雀師子駿馬充塞苑廐自古已來所未見者必備

史記封禪書正義水經渭水注兩引

初學記二十四藝文類聚六十三太平御覽一百七十六又四百九十三

武帝作玉堂以玉璧薄椽頭鑄爲大鳥黃金塗長五丈棲屋上

太平御覽九
百五十四

上起明光宮發燕趙美女二千人充之率取年十五以上二十
已下滿四十者出嫁掖庭令總其籍時有死出者隨補之凡諸
宮美人可七八千常從行郡國載之後車與上同輦者十六人
員數恒使滿皆自然美麗不使粉白黛黑侍衣軒者亦如之建
章未央長樂三宮皆輦道相屬懸棟飛閣不由徑路北堂書鈔
二十四初學記二十四藝文類聚十八又六十二太
平御覽一百七十三又三百八十八又七百七十四

上起光明宮桂宮長樂宮皆輦道相屬懸棟飛閣北度從宮中

西上城至神明臺

文選西京賦薛注

鉤弋宮在直門南

史記外戚世家索隱漢書外戚傳注三輔黃圖三

武帝作承露盤仙人掌擎玉杯以收雲表之露也

案太平御覽十二作銅承

露槃上有仙人掌以承露也

於其旁生芝草九莖莖如金葉朱實夜中有光

上嘉之

初學記二藝文類聚九十八太平御覽七百五十九事類賦注三

帝作金莖擎玉杯以承雲表之露擬和玉屑服之以求仙

太平御覽

十二事類

賦注三

上作柏梁臺高二十丈悉以香柏為之香聞數十里也

文選東京賦注

藝文類聚八十八太平御覽九百八十一

甘泉宮南有昆明池中有靈波殿皆以桂為柱風來自香

藝文類聚

八十

驪山湯初始皇砌石起宇至漢武又加修飾焉

初學記七案初學記十鼎湖

官宜春宮谷口宮望僊官通天宮見漢武故事

武帝起神明殿砌以文石用布為瓦而淳漆其外四門並如之

太平御覽七百六十七

上好神仙起神屋鑄銅為柱黃金塗之丈五圍以銅為瓦漆其

外赤玉爲階

案北堂書鈔二十引黃金塗階

椽亦以金刻玳瑁爲龍虎禽獸以

薄其上狀若隱起椽首皆作龍形銜鈴流蘇懸之以赤白石脂

爲泥椒汁和之以火齊薄其上扇上屏風悉以白琉璃作之

案

平御覽八百九引光照洞徹以白珠爲簾箔玳瑁栢之以象牙

爲床

案北堂書鈔一百三十二作象牙爲篋

以琉璃珠玉明月夜光雜錯天下珍

寶爲甲帳其次爲乙帳甲以居神乙上自御之前庭植玉樹以

珊瑚爲枝以碧玉爲葉華子或青或赤悉以珠玉爲之子皆空

其中如小鈴鎗鎗有聲薨附作金鳳軒翥若飛狀口銜流蘇長

十餘丈

後漢書班固傳注北堂書鈔二十兩引又一百二十八又六十九又八十三又八十四又八十五又八十六又八十七又八十八又八十九又九十又九十一又九十二又九十三又九十四又九十五又九十六又九十七又九十八又九十九又一百

事類賦注九案初學記二十四銀壁見漢武事故

帝起神屋有雲母窻珊瑚窻

白帖十太平御覽一百八十八

上起神屋九間雖崑崙立圖不之過也

太平御覽一百八十一

經典集林卷十五

班固漢武故事卷下

經典集林卷十六

臨海 洪頤煊 撰集

承德 孫彤 校訂

公孫卿言神人見於東萊山欲見天子上於是幸緱氏登東萊
留數日無所見唯見大人跡上怒公孫卿之無應卿懼誅乃因
衛青白上云仙人可見而上往遠以故不相值今陛下可爲觀
於緱氏則神人可致且仙人好樓居不極高顯神終不降也於
是上於長安作飛廉觀高四十丈於甘泉作延壽觀亦如之

三韓

黃圖
五

拜公孫卿爲郎持節候神自太室至東萊云見一人長五丈自

稱巨公牽一黃犬把一黃雀云欲謁天子因忽不見

藝文類聚
九十四大

平御覽三百七十七又九百
四事類賦注十九又二十三

帝齋七日遣樂賓將男女數千人至君山得酒欲飲之東方朔
曰臣識此酒請視之因卽便飲帝欲殺之朔曰殺朔若死此爲
不驗如其有驗殺亦不死帝赦之

太平御覽
四十九

東郡獻一短人長七寸衣冠具足上疑是山精常令在案上行

召東方朔問朔至呼短人曰巨靈汝何忽叛來阿母還未

案太平御

覽七百十作
阿母健否

短人不對因指朔謂上曰王母種桃三千年一作

子此兒不良已三過偷之矣遂失王母意故被謫來此上大驚

始知朔非世中人短人謂上曰王母使臣來告陛下求道之法

案北堂書鈔
十二引此句

唯有清淨不宜躁擾復五年與帝會言終不見

齊

要術三初學記

十九又二十八藝文類聚六十九白帖十四又

九十九太平御覽

三百七十八又七百十又九百六十七事類

賦注二
十六

王母遣謂帝曰七月七日我當暫來帝至日掃宮內燃九華之

燈

太平御覽
三十一

七月七日上於承華殿齋正中忽有青鳥從西方來集殿前上

問東方朔朔曰此西王母欲來也有頃王母至有二青鳥如鳥

夾侍王母旁

北堂書鈔一百五十五初學記四藝文類聚四又
九十一白帖四太平御覽三十一又九百二十七

事類賦
注五

紫氣乃從西王母

北堂書鈔一
百五十一

西王母降東方朔於朱鳥牖中窺母母謂帝曰此兒無賴久被

斥逐原心無惡辱當得還

北堂書鈔三十二白帖十
太平御覽一百八十八

西王母曰太上之藥有中華紫密雲山朱蜜

太平御覽八
百五十七

西王母曰太上之藥有玉津金漿其次藥有五雲之漿

太平御
覽八百

六十

西王母感上區區之誠暮必神降上乃盛施帷帳燒炷末香炷

末香者兜渠國所獻如大豆塗門香聞百里關中常大疫死者

相係燒此香死者因生

藝文類聚六十九法苑珠林四十九太平御覽九百八十三

西王母使者至東方朔死上疑之問使者使者對曰朔是木帝

精為歲星下遊人中以觀天下非陛下臣也上厚葬之

開元占經二十

三太平御覽五

案開元占經一本云朔死乘雲飛去仰望大霧望之不知所在朔在漢朝天上無歲星

後西王母去出桃七枚

案北堂書鈔十二引王母仙桃四字

母自啖其二以五枚

與帝帝留核着前王母曰用此何為上曰此桃美欲種之母歎

曰此桃三千年一着子非下土所植也後上殺諸道士妖忘者

百餘人西王母遣使謂上曰求仙而信邪欲見神人而殺戮吾

與帝絕矣又致三桃曰食此可得極壽

藝文類聚八十六開元占經二十三白帖九十

九太平御覽九百六十

七事類賦注二十六

上握蘭闔之金精摘圓上之紫榛

初學記二十八太平御覽九百七十事類賦注二十六

帝齋於尋真臺設紫羅薦

藝文類聚
六十九

帝起柏梁臺以處神君神君者長陵女子也先是嫁爲人妻生一男數歲死女子悼痛之歲中亦死死而有靈其姁宛若祠之遂聞言宛若爲生民人多往請福說人家小事有驗平原君亦事之至後子孫尊顯以爲神君力益尊貴及上卽位太后延於宮中祭之聞其言不見其人至是神君求出乃營柏梁臺舍之初霍去病微時數自禱神君神君乃見其形自修飾欲與去病交接去病不肯謂神君曰吾以神君精潔故齋戒祈福今欲淫此非神明也自絕不復往神君亦慙及去病疾篤上命爲禱神君神君曰霍將軍精神少壽命不長吾嘗欲以太一精補之可得延年霍將軍不曉此意遂見斷絕今疾必死可無救也去病竟薨衛太子未敗一年神君乃去東方朔取宛若爲小妻生子

三人與朔俱死

史記封禪書正義太平御覽七百三十九太平廣記二百九十一

昆邪王殺休屠王以其衆來降得其金人之神置之甘泉官金

人皆長丈餘其祭不用牛羊唯燒香禮拜上使依其國俗祀之

世說新語文學篇注

上所幸李夫人死上甚思悼之齊人少翁言能致其神乃夜張

明燭土居他帳中遙望見李夫人不得就視

初學記二十五

上閔憐焉圖畫其形

北堂書鈔二十六

衛子夫入宮上曰吾昨夜夢子夫庭中生梓數樹豈非天乎是

日幸之有娠

太平御覽九百五十八

衛子夫得幸頭解上見其美髮悅之

文選西京賦注西征賦注

上巡狩過河間見清紫氣自地屬天望氣者以爲其下有奇女

必天子之祥求之見一女子在空館中姿貌殊絕

案北堂書鈔二十六引此

四兩手一拳上令開其手數百人擘莫能開上自披手卽中由

是得幸爲拳夫人進爲婕妤居鉤弋宮解黃老素女之術

案北堂書

鈔二十六大有寵有身十四月產昭帝上曰堯十四月而生鉤

引此句

弋亦然乃命其門曰堯母門

藝文類聚七十八

拳夫人進爲婕妤從上至甘泉因幸告上曰妾相運正應爲陛

下生一男男七歲妾當死今年必死宮中多蠱氣必傷聖體言

終而卧遂卒旣殯香聞十里餘因葬雲陵上哀悼又疑非常人

發冢空棺無尸唯衣履存焉爲起通靈臺於甘泉常有一青鳥

集臺上

案北堂書鈔二十三引此五字

往來至宣帝時乃止

史記外戚世家索隱初學記十藝文

類聚九十一太平御覽一百三十六又九百二十七

上行幸河東欣然

案文選秋風辭序云上行幸河東祠后土顧視帝京欣然

中流與羣臣飲

醺乃自作秋風辭曰秋風起兮白雲飛草木黃落兮雁南歸蘭

有秀兮菊有芳攜佳人兮不能忘

案四句并未句引本殘闕从文選補

汎樓船兮

濟汾河橫中流兮揚素波簫鼓吹兮發權歌極歡樂兮哀情多

少壯幾時兮柰老何顧謂羣臣曰漢有六七之厄

案北堂書鈔四十二引此

句作三七

法應再受命宗室子孫誰當應此者六七四十二代漢者

當塗高也羣臣進曰漢應天授命祚踰周殷子子孫孫萬世不

絕陛下安得此亡國之言過聽於臣妾乎上曰吾醉言耳然自

古以來不聞一姓遂長王天下者但使失之非吾父子足矣

北堂

書鈔一百六太平御覽八十八

行幸五柞宮謂霍光曰朕去死矣可立鉤弋子公善輔之三月

丙寅上晝卧不覺顏色不異而身冷無氣明日色漸變間日乃

發哀告喪

太平御覽八十八

未央前殿朝晡上祭若有食之者常所幸御葬畢悉居茂陵園

上自婕妤以下二百餘人上幸之如平生而旁人不見也光聞

之乃更出宮人增爲五百人因是遂絕

太平御覽
八十八

武帝葬茂陵芳香之氣異常積於墳塋之間如大霧

初學記二
太平御覽

十五事類

賦注三

始元二年吏告民盜用乘輿御物者案其題乃茂陵中明器也
民別買得光疑葬日監官不謹容致盜竊乃收將作以下繫長
安獄考訊居歲餘鄠縣又有一人於市貨玉杯吏疑其御物欲
捕之因忽不見縣送其器推問又茂陵中物也光自呼吏問之
說市人形貌如先帝光於是嘿然乃赦前所繫者

太平御覽八
十八又七百

五十
九

歲餘又見形謂陵令薛平曰吾雖失勢猶爲汝君柰何令吏卒
上吾陵磨刀劍乎自今以後可禁之平頓首謝因不見推問陵

旁果有方石可以爲礪吏卒常盜磨刀劍霍光欲斬之張氏世

曰神道茫昧不宜爲法乃止

水經渭水注北堂書鈔一百六十太平御覽八十八

甘泉宮恒自然有鐘鼓聲候者時見從官鹵簿似天子自後轉

稀至宣帝世乃絕

太平御覽八十八

宣帝卽位尊孝武廟奏樂之日虛中有唱善者告祠之日白鶴

羣飛集後庭也

北堂書鈔八十七太平御覽八十八

宣帝於西河立孝武廟神光滿於殿中狀如月

北堂書鈔八十七太平御覽八十八

八十

宣帝於東萊立孝武廟有大鳥跡竟路白龍夜見

北堂書鈔八十七太平御

覽八十八

宣帝於河東立孝武廟告祠之日白虎銜肉置殿前

北堂書鈔八十七太

平御覽

八十八

宣帝立孝武廟於河東告祠之日見一人騎馬馬異於常馬持

尺一札賜將作丞

案北堂書鈔作將作大匠

文曰汝續尅成賜汝金一斤

案北

堂書鈔作

因忽不見札乃變爲金稱之重一斤

北堂書鈔八十七太平御覽八

十八又五百三十一又六百六

廣川告祠之明日有鐘磬音房戶皆開夜有光香氣聞二三里

太平御覽

八十八

宣帝親祠甘泉有頃紫黃氣從西北來散於殿前肅然有風空

中有妓樂聲羣鳥翔舞蔽天宣帝親觀光怪乃疑先帝有神復

招諸方士冀得仙焉

北堂書鈔八十九又一百五十五十藝文類聚一太平御覽八十八

白雲趣宮

北堂書鈔一十二

丹蛇入紫宮

北堂書鈔二十三

開樽大出

北堂書鈔二十三

艮不勝痛

北堂書鈔
四十一

經典集林卷十六

鄭立別傳一卷

經典集林卷十七

臨海 洪頤煊 撰集

承德 孫 彤 校訂

鄭康成以永建二年七月戊寅生

太平廣記二百十五 案各書引俱稱名此蜀稱字當云

鄭玄字康成後人抄變其詞耳

玄少學書數

世說新語文學篇注

玄八九歲能下算乘除

太平廣記二百十五

玄年十二隨母還家正臘讌會同列十餘人皆美服盛飾語言

閑適玄獨漠然如不及母私督數之乃曰此非我志不在所願

也

後漢書本傳注北堂書鈔一百五十五藝文類聚五太平御覽三十二太平廣記二百十五 案後漢書注太平廣記

俱作年十一二

十三誦五經好天文占候風角隱術

世說新語文學篇注

立年十六號曰神童民有獻嘉禾者異本同實縣欲表府文辭

鄙畧立爲改作又著頌一篇相高其才爲修冠禮太平御覽五百八十八又

八百三十九又九百七十八案御覽五百八十八引嘉禾作嘉瓜

立年十七在家見大風起謂縣曰某時當有火災宜祭燿禳廣

設禁備時水果起而不爲害世說新語文學篇注太平御覽八百六十八事類賦注八案世說

新語注引末句作至時果然智者異之

年二十一博極羣書精歷數圖緯之言兼精算術遂去吏師故

兗州刺史第五元先就東郡張恭祖受周禮禮記春秋傳周流

博觀每經歷山川及接顏一見皆終身不忘世說新語文學篇注

扶風馬季長以英儒著名立往從之參攷同異季長后戚嫂於

待士立不得見住左右自起精廬旣因紹介得通時涿郡盧子

幹爲門人冠首季長又不解剖裂七事立思得五子幹得三季

長謂子幹曰吾與汝皆弗如也季長臨別執立手曰大道東矣

子勉之後遇黨錮隱居著述凡百餘萬言世說新語文學篇注

在門下七年以母老歸養酒譜

何休字邵公作公羊解注案藝文類聚引作任城何休好公羊學妙得公羊本意

作公羊墨守左氏膏盲穀梁廢疾立後乃發墨守鍼膏盲起廢

疾休見而歎曰康成入吾室操吾戈以伐我乎藝文類聚五十五太平御覽六

十百

大將軍何進辟立乃縫掖相見立長八尺須眉秀美案藝文類聚十七太

平御覽三百六十六引立秀眉明目姿容甚偉進待以賓禮授以几杖立多所匡

正不用而去世說新語文學篇注

大將軍何進禮待甚優立不受朝服而已幅巾一宿而逃去也

北堂書鈔一百二十六

國相孔文舉教高密縣令曰公者人德之政號不必三事大夫

也今鄭君鄉宜曰鄭公鄉

太平御覽一百五十七

建安元年自徐州還高密道遇黃巾賊數萬人見立皆再拜

北堂

書鈔八十五太平御覽五百四十二

立病篤因戒子益恩曰吾家舊貧爲父母羣弟所容

案後漢書本傳爲上

有不

字去廝役之吏遊周秦之都往來幽并兗豫之域候觀通人

大儒得意者咸從捧手有所受焉遂博稽六藝究覽傳記今我

告爾以事將閑居以安性覃思以終業自非國君之命問親族

之憂展孝墳墓觀省野物曷嘗扶杖出門乎家事大小汝一承

之吾^余莞莞一夫曾無同生相依其勗求君子之道研鑽勿替恭

慎威儀以近有德顯譽成於僚友德行立於己志若致聲稱亦

有榮於所生耳

太平御覽四百五十九

立病篤與益恩書曰吾預黨錮十四年也

太平御覽六
百五十一

立袁紹坐汝南應邵因自贊曰故太山太守應仲遠北面稱
弟子何如立笑曰仲尼之門考以四科回賜之徒不稱官閥邵
有慙色

太平御覽四
百九十一

袁紹辟立及去餞之城東欲立必醉會者三百餘人皆離席奉

觴自旦及暮

案北堂書鈔引作酣
酒之後人人進爵

飲三百餘杯而溫克終日無

怠

世說新語文學篇注北
堂書鈔一百四十八

獻帝在許都徵爲大司農行至元城卒

世說新語
文學篇注

立卒遺令薄葬自郡守以下嘗受業者衰經赴者千餘人

北堂
書鈔

九十二太平御覽五百
四十七又五百五十五

立一子名益字益恩年二十三相國孔府君舉孝廉

案白帖引
作孔融三

國志注引作立有子
爲孔融吏舉孝廉

府君以多寇屯都昌爲賊管亥所圍乃令

從家將兵奔救遇賊見害時年二十七也妻有遺體

案白帖引作遺腹

生男立以太歲在丁卯生此男以丁卯日生生又手理與立相

似故名曰小同

三國志魏三少帝紀注白帖十八太
平御覽三百六十二又三百七十

故尚書左丞同縣張逸年十三為縣小史立謂之曰爾有贊道

之質玉雖美須雕琢而成器能為書生以成爾志否對曰願之

乃遂拔於其輩妻以女弟

太平御覽五百四十一

國淵始未知名立稱之曰國子尼美才也吾觀其人必為國器

三國志國淵傳注

集諸生講論終日

北堂書鈔九十八

北海有鄭立儒林講堂見鄭立別傳

初學記二十四

經典集林卷十七